

Zuk parte hartu, nik babesean irabazi

HNIBBILO-REN APLIKAZIOA EUSKADIKO ANTOLATUTAKO KIROLEAN

Kirol-inguruneetan adingabeekin lan egiten duten pertsonak 2023. urtea amaitu aurretik egin behar dituzte HNIBBILOren nahitaezko formakuntzak

Euskadiko kirol-erakundeetako arduradun agurgarriak,

Euskadiko kirol-inguruneetan adingabeekin lan egiten duten 10.000 pertsonak baino gehiagok egin dituzte Kirol Eskolak, Eusko Jaurlaritzako kirol-prestakuntzako eskolak, eskaintzen duen HNIBBILOrekin lotutako derrigorrezko online prestakuntza. Prestakuntza-prozesu hori Euskadin antolatutako kirolean HNIBBILOren ezarpenaren parte da.

HNIBBILO (8/2021 Lege Organikoa) haurrak eta nerabeak indarkeriaren aurrean babesteko legea da.

Formazioak beti egongo dira zabalik 2023an. Lehenengo prestakuntzak adingabeak zaintzeko sentsibilizazioa lantzen du, eta kirol-erakundeei zuzenduta dago. Orain arte, 8.000 pertsonak baino gehiagok egin dute prestakuntza hau. Eta bigarrena adingabea babesteko protokoloari buruzkoa da, eta erakunde bakoitzean adingabea babesteko ordezkariak izendatzen diren pertsonari zuzenduta dago. Kasu honetan, orain arte, 3.000 pertsonatik gora egin dute prestakuntza.

Prestakuntzak erantzunkidetasunetik eta kontzientzia hartzetik sortu eta ematen dira. **2024ko urtarrilaren 1etik aurrera, adingabeekin kirol-inguruneetan lan egiten duten pertsonak egiaztatu beharko dute beren zereginak betetzeko behar dituzten prestakuntzak egin dituztela.**

Eusko Jaurlaritzako eta Arabako, Bizkaiko eta Gipuzkoako Foru Aldundietako Kirol Zuzendaritzek iaz hasi genuen prozesu hau. Horren barruan, Euskadin antolatutako kirolean HNIBBILO legea garatu beharreko hainbat ekintza sartzen dira.

Kirolaren eta aisialdiaren esparruan **helburu** hauek ditu: **adingabeen aurkako indarkeria-egoeretan prebentzioa, detekzio goiztiarra eta esku hartzea eta ingurune seguruak sortzea.**

Europar adingabeekin egin berri den azterlan baten arabera, pertsonen arteko indarkeria-prebalentzia handia dago kirolaren esparruan. Azterlanetik ondorioztatzen da indarkeria-jarrera asko asimilatuta eta normalizatuta ditugula.

Eusko Jaurlaritzak eta hiru Foru Aldundiek erantzukidetasunezko begirada bat landu nahi dugu kirolaren esparruan haurrak eta nerabeak babesteko ingurune seguruak eraikitzeko.

SARRERA-GIDA

Euskadin antolatutako kirolean HNIBBILoren aplikazioari buruzko sarrera-gidan legearen nondik norakoak, abiapuntu kontzeptualak, indarkeriaren normalizazioaren adibideak, Euskadin antolatutako kirolerako helburuak eta helburu horiek lortzeko bidea aurkituko dituzu. [Esteka honetan](#) deskarga dezakezu gida.

PRESTAKUNTZAK

2023an bi online prestakuntza emango ditugu Kirol Eskolaren bitartez, Eusko Jaurlaritzako kirol-prestakuntzako eskola.

Lehenengoa, sentsibilizazioari buruzkoa eta kirol-erakundeei zuzendua. Eta bigarrena, adingabeak babesteko protokoloari buruzkoa, erakunde bakoitzean adingabeak babesteko ordezkari izendatuko diren pertsonentzat. Informazio gehiago eta izena emateko aukera aurki dezakezue [esteka honetan](#). 2023an zehar hainbat deialdi egongo dira zabalik izena eman ahal izateko.

Prestakuntza-prozesu hau derrigorrezkoa da Lege berria aplikatzeko. Baina ez ditugu gure adingabeak derrigortasunetik babestuko, baizik eta erantzunkidetasunetik eta kontzientzia hartzearen ondorioz.

PROTOKOLOA

Haurrak eta nerabeak babesteko protokoloa ere zuen eskura jartzen dugu, zuen datuekin bete eta zuen erakundeetan aplikatu dezazuen. Protokoloa [esteka honetan](#) deskarga dezakezue.

BARNE-ZABALKUNDERAKO KANPAINA

Barne-zabalkunderako kanpaina bat sortu dugu, Euskadin antolatutako kirol-erakunde, profesionaleri eta adingabeak besteko ordezkariari zuzendua. Kanpainak hiru fase ditu eta kirol-erakunde bakoitzak ematen dion zabalkunde orok helburuak lortzen lagunduko du. Sare sozialetarako, karteletarako eta abarretarako arte grafikoetako materialak jaso nahi badituzu, zure euskarrietan zabaltzeko, mezu honi erantzun eta eskatu, mesedez.

Zuen guztion beharra dugu prozesu honetan, eta zuen eskura jartzen ditugun hainbat zerbitzu eta baliabide publikoren bidez lagunduko dizuegu:

- [Kirol Eskola](#)
Prestakuntza-prozesua
- [Zain](#)
Kirol-erakundeei laguntzea LOPIVI protokoloak abian jartzeko
- [Zure Taldekoak Gara](#)
Kirolean adingabeko indarkeria kasuak salatu edo aholkatzea
- [Zeuk Esan](#)
Adingabeei arreta emateko telefonoa

Gorputz- eta kirol-jarduera oso garrantzitsua da haurren eta nerabeen garapen egokirako. Gizarte gisa, ingurune seguruak eta babesa zor diegu, jarduera hori gauzatu ahal izateko. Lor dezagun denon artean.

Adeitasunez,

Gorka Iturriaga

Eusko Jaurlaritzako Jarduera Fisikoaren eta Kirolaren zuzendaria

Ana Rosa López de Uralde

Arabako Foru Aldundiko Kirol zuzendaria

Carlos Sergio Atxotegi

Bizkaiko Foru Aldundiko Euskara, Kultura eta Kirol Saileko aholkularia

Goizane Alvarez

Gipuzkoako Foru Aldundiko Gazteria eta Kiroletako zuzendaria

